



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-461-5/21**
Datum: **01.11.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica „AMSAL PHARMACEUTICALS“ d.o.o. Sarajevo za izmjenu rješenja broj: UP-I/25-3-40-461-3/21 od 18.10.2021. godine u smislu promjene imena pravnog lica, na osnovu člana 262. Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E **o vodnoj dozvoli**

1. Mijenja se rješenje ove Agencije broj: UP-I/25-3-40-461-3/21 od 18.10.2021. godine u smislu promjene imena pravnog lica, tako da umjesto imena Investitora **„AMSAL“ d.o.o. Sarajevo** treba da stoji:

„AMSAL PHARMACEUTICALS“ d.o.o. Sarajevo.

2. U ostalom dijelu rješenje ostaje nepromijenjeno.

O b r a z l o ž e n j e

Pravno lice „AMSAL PHARMACEUTICALS“ d.o.o. Sarajevo, obratilo se ovoj Agenciji sa zahtjevom broj: 02-345/22 od 27.10.2022 godine kojim je zatražena izmjena ranije izdatog rješenja ovog organa broj: UP-I/25-3-40-461-3/21 od 18.10.2021. godine, kojim je pravnom licu „AMSAL“ d.o.o. Sarajevo dodijeljeno rješenje o vodnoj dozvoli za ispuštanje tehnoloških otpadnih voda sa lokacije pogona za primarno i sekundarno pakovanje lijekova, kontrolu kvaliteta i skladištenje lijekova, izgrađenih u industrijskoj zoni „Unis-Pretis Vogošća“ u ulici Igmanska 38, općina Vogošća, a iz razloga kako se navodi u zahtjevu da je u rješenju stavljen skraćeni naziv firme umjesto punog naziva pravnog subjekta.

U prilogu zahtjeva dostavljena je slijedeća dokumentacija:

- Rješenje o vodnoj dozvoli broj: UP-I/25-3-40-461-3/21 od 18.10.2021. godine, izdato od strane «Agencije za vodno područje rijeke Save» Sarajevo-kopija
- Ovjerena kopija Rješenja o izmjenama podataka upisa subjekta u sudski registar, broj: 065-0-Reg-22-000798 izdatog dana 28.03.2022. godine od strane Općinskog suda u Sarjevu,
- Rješenje broj: UP1-14-21-2-07622/2022-1407-3-P od 20.10.2022 Godine izdato od strane Vodnog inspektora Federalne uprave za inspekcijeke poslove, Sarajevo.

U podnesenom zahtjevu se navodi, a što se iz priložene dokumentacije nesporno utvrđuje, da je u periodu izdavanja navedenog upravnog akta došlo do primjene skraćene oznake nazivu nosioca prava korištenja predmetnog objekta umjesto punog naziva istog.

Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan. Obzirom da su ranijim izdatim vodnim aktom – Rješenje o vodnoj dozvoli, korisniku objekta „AMSAL“ d.o.o. Sarajevo, shodno odredbama člana 116. Zakona o vodama («Službene novine Federacije BiH», broj 70/06), kao i u skladu sa Pravilnikom o načinu obračunavanja, postupku i rokovima za obračunavanje i plaćanja i kontroli izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11 i 88/12) utvrđena prava i obaveze, iste ostaju pravnom licu „AMSAL PHARMACEUTICALS“ d.o.o. Sarajevo.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98 i 48/99), ovo rješenje djeluje samo za ubuduće.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „AMSAL PHARMACEUTICALS“ d.o.o. Sarajevo, Igmanaska 38, Vogošća
- Sava, ISV-vodna knjiga
- sektor 40 – arhiva
- Sektor 50
- Oglasna ploča